

**OBAVJEŠTENJE  
O ODGODI PRIMJENE PRAVILNIKA O  
UPLAĆIVANJU INDIREKTNIH POREZA I OSTALIH  
PRIHODA I TAKSI KOJE NAPLAĆUJE UIO**

Upravni odbor Uprave za indirektno oporezivanje (u daljem tekstu: UIO) je na svojoj 42. sjednici održanoj dana 06.03.2020. godine u Banja Luci usvojio Pravilnik o uplaćivanju indirektnih poreza i ostalih prihoda i taksi koje naplaćuje UIO, i isti je dostavljen na objavu u "Službeni glasnik BiH" i objavljen je ("Službeni glasnik BiH", broj 21/20), dana 10.04.2020. godine, i stupio je na snagu 13.04.2020. godine.

Međutim, kako je primjena ovog Pravilnika uslovljena primjenom Uputstva za primjenu informacionog sistema ostali prihodi (novi informacioni sistem koji će UIO implementirati), a koje Uputstvo je u završnoj fazi dostavljanja na objavu u "Službeni glasnik BiH", obavještavamo poslovnu zajednicu u BiH da primjena Pravilnika nije moguća bez donošenja i objave Uputstva za primjenu informacionog sistema ostali prihodi.

Nakon objave Uputstva za primjenu informacionog sistema ostali prihodi u "Službenom glasniku BiH" će se stvoriti uslovi za primjenu odredbi Pravilnika o uplaćivanju indirektnih poreza i ostalih prihoda i taksi koje naplaćuje UIO i o početku primjene Pravilnika, UIO će na pogodan način obavijestiti poslovnu zajednicu.

**Obrazloženje**

Za rad u novom informacionom sistemu UIO za evidentiranje ostalih prihoda i taksi koje naplaćuje UIO, planirano je da se, nakon donošenja Uputstva za primjenu informacionog sistema ostali prihodi, u mjesecu martu - aprilu provedu obuke zaposlenih, ali zbog novonastale situacije sa pandemijom prouzrokovanom virusom Korona (COVID-19) ta aktivnost se morala prolongirati. Takođe, poštujući naloge i

odluke Savjeta ministara BiH i kriznih štabova entiteta, kantona i Brčko Distrikta sve institucije su u obavezi organizovati minimum procesa rada na način da se prisustvo zaposlenih u službenim prostorijama svede na najmanju mjeru, u cilju smanjenja rizika od širenja epidemije zarazne bolesti uzrokovane virusom Korona.

Iz navedenih razloga neophodno je odgoditi primjenu Pravilnika o uplaćivanju indirektnih poreza i ostalih prihoda i taksi koje naplaćuje UIO dok se ne objavi Uputstvo za primjenu informacionog sistema ostali prihodi i stvore uslovi za održavanje obuka zaposlenih u UIO za rad u novoj aplikaciji, a koje aktivnosti UIO već provodi prilagođavajući se novonastaloj situaciji.

O navedenom se obavještava poslovna zajednica u BiH kako bi se otklonili eventualni nesporazumi u naplati indirektnih poreza i ostalih prihoda i taksi koje naplaćuje UIO.

Broj 01-02-2-275-5/20

15. aprila 2020. godine

Banja Luka

Direktor

Dr. **Miro Džakula**, s. r.

(SI-441/20-G)